

Dechrau a Diwedd: Maes Parcio'r Rookery, Llanbed
Parcio: Maes Parcio'r Rookery, Llanbed
Amcangyfrif o'r pellter: Tua **10 milltir**
Amser a ganiateir: **1 - 2 awr**

I gwblhau'r lllwybr cyfan heb stopio, yn dibynnu ar lefelau ffitrwydd. Mae rhai bryniau serth iawn ar y llwybr.

Trafnidiaeth gyhoeddus agosaf: Bws: Tregaron, Llanbed *Rheilffordd:* Aberystwyth

Cydrannau ac Offer Beiciau agosaf: Daltons ATV, Talsarn. 01570 470022

Cyclemart, Cilcennin 01570 470079

Gwasanaeth ychwanegol yn Aberystwyth ac Aberteifi.



Cae Hir

Gadewch Llanbed ar yr A475 gan ddilyn yr arwyddion ar gyfer taith 2d.

Dringwch allan o Ddyffryn Teifi i fanteisio ar olygfeydd gwych dros Llanbed a'r ardal wledig o'i chwmpas gyda mynyddoedd y Cambria yn gefndir.

Pasiwch gapel yr Undodiaid, Capel y Groes lle claddwyd Joseph Jenkins, y Swagman y soniwyd amdano ar daith 2b.

Croniclir ei hanes rhyfeddol gan yr awdur o Lanbed, Bethan Phillips. Mae'r dyddiaduron a gadwyd gan y Cymro Joseph Jenkins yn ystod ei gyfnod fel swagman yn Awstralia yn agoriad llygad o safbwynt rhoi cipolwg ar y caledi a ddiodefwyd ganddo ef a'i gydymfudwyr yn y cyfnod hwnnw tra'n chwilio am fywyd gwell.

Mae'r rhan o Ddyffryn Teifi rhwng Llanbed a Llandysul yn un o gadarn leoedd yr Undodiaid yn y Deyrnas Unedig ac mae gan yr Undodiaid siop lyfrau yn Llanbed.

Â'r daith yn ei blaen i bentref Cribyn lle gallwch ymweld â Gerddi Cae Hir. Mae'r ardd (codir tâl mynediad) ar agor fel arfer yn ystod y prynhawn o ddydd Mawrth tan ddydd Sul ac ar wyliau Llun y Banc.



Carreg fedd y Swagman